

اسلام مجموعہ

شعاری : « دینی بر مہیات ، مہیاتی بر دینہ » در .

پیل ۲ صائی ۲۶ ۱۶ نیسان ۱۳۳۱ ۱۴ جمادی الاخرہ ۱۳۳۲
مدیری : حلیم ثابت
جلد ۳

قرآنہ کریم

« أولئك الذين اشتروا الحياة الدنيا بالآخرة والکافرین عذاب مہین
[حاشیہ لی مفہوم قرآن دن] مرحوم مناستری رفت

فقہ

[عباسی دوری و تشریح صلاحیتی] حلیم ثابت
[خلافت عباسیہ کچھ بہ آئندہ امولرکی صلاحیت تشریحہ ایلہ صلاحیت ادارہ بی جمع
ایدہ مدیلرہ آئندہ مالکر صلاحیت ادارہ وارایدی . صلاحیت تشریحہ تقیہ و علما یدندہ
ایدی . ونہایت بوحالک دوامی قابل اولامادی . خلافت برطاقم طوائف ملوکہ انتقام
ایدی . آئندہ عباسی لکری صلاحیت تشریحہ بی احراز ایدہ مدیکرین سلطنت لکری
بک جوق دوام ایدہ مدی]

فقہ

اجتہاد خطالری منصور زادہ سعید
[مجتہدین سالفہ تک شریعت موجود خارجیدر دیہ یا کلش تلقیری نتیجہ سی
اولہرق اجارہ علی خلاف ائمان بر عقددر اساس باطلی . و بواسک اجارہ ختندہ
مسائل عجیبہ وضعنہ سب اولدینی . واجرا ایتدیکی تضحیقات .]

فقہ

[ابن تیمہ تک اجماع ، اجتہاد و تقلید مسئلہ لری خصوصندہ کی نظری] رضاً الدین بن قخرالدین

تحمید

« چو جوق دعالری ، ضیا کورک آلپ

مشاہد اسلام

[امام فخرالدین رازی] جاپان زادہ متیب سلیمان

اسلام ہوادنی

[ایکی ہفتہ نقی جہاد خبرلری ، رسمی تبلیغاتہ کورہ]

نسخہ سی ۶۰ پارہ در

توزیع یری « زمان کتبخانہ سیدر ،

مطبوعہ خیرہ و شرکاسی

اجتہاد خطاری

اجتہاد خطاری عنوانی مقالہ لریمزدن ۲۱ مئی صانی دہ نشر اولان مقالہ دہ « بیع معدوم باطلدر ، مثلہ سی ، احکام شریعت موجود ذہنی دکل دہ موجود خارجدر کی یا کلس بر تلقینک تیجہ سی اولان » معقود علیک حین عقدہ موجود اولسی اقتضایدر » اساس باطلہ مستد اولدینغی عرض ایتمش ایدم .

واقعا فقہا مثلہ نی یعنی بیع معدومک بطلانی مثلہ سی عرض ایتمیکم وخیلہ اساس مذکورہ مستد و آنک تیجہ سی اولوق اوزرہ تصریح و بیان ایدیورلر ایسده آنلرک بیاناتی نظراعتبارہ آلہرق مثلہ اولیہ براساسه مستد دکلدر . لاتبیع مالیس عندک و یاخود نہی عن بیع مالیس عندالانسان ورخص فی السلم کی حدیثلرک محضہ قائل اولہرق آنلرہ مستددر . دیمک بیانات فقہایہ مخالف اولدینغدن آنلر طرفدن جواب اولمنہ صالح اولماز ایسده بوجہتی دہا زیادہ تأیید مقصدیلہ مثلہ نک فقہایہ کورہ اوکی حدیثلرک مقتضای اولمنہ صلاحیتی اولدینغی دہ بیان ایتمک ایترم .

شویله کہ : فقہا و اصولیون ، کتب اصولدہ بیان اولدینغی اوزرہ افعال شرعیہ حقدہ وارد اولان نہی فسادی اقتضایدر بطلانی افادہ ایتمز . بطلان آبروجہ باشقہ بردلیلک مقتضایدر نہیک معنای حقیقی دکلدر . معنای مجازی سیدر . بناءً علیہ دلیل و قرینہ قطعیه بولونورسہ قصد و ارادہ اولہ بیلیر دیورلردہ بیع ، عقود و افعال شرعیہ دن اولدینغدن ہر ہانکی صورت بیعدن شارع منع ایتمش ایسہ ممنوع اولان صورتک بطلانی دکل فسادنی اقتضایدر دیہ ربا وسائرہ کی شارعک منع ونہی ایتمیک بیعلرک بطلانہ دکل ذہ فسادینہ قائل اولیورلر .

اشہ بویلہ اصول فقہیہ بیان ایتمکری قواعد و اساساتک مقتضای اولوق اوزرہ بیع معدومک بطلانی مثلہ سی ، مذکور حدیثلرہ استاد ایسده مز . چونکہ

حدیث بردن بری یا ننگه اولیان شیئی بیع ایتمه دیه منع ونهیدن، دیکری اوپولده کی منع ونهی شارعی نقل و حکایه دن عبارتدر شو حلالده عرض ایتمدیکم وجهله اصول فقهده بیان اولتان قواعد واساسرینه نظراً مذکور حدیثلرکده مقتضاسی بطلان دکل فاددر. اکر بیع معدومک بطلاننه دکلده فسادینه قائل اولسه لر یدی. او صورتده مسئله بوکی حدیثلره استناد ایتمه بیلریدی.

اشته کوریلورکه « معقود علیک حین عقدده موجود اولسی لازمدر » « محل عقد، موجود اولماز ایسه بیع باطل اولور. » « محل عقد خارجه موجود اولماز ایسه عقد تصور اولماز، کی بیع معدومک بطلانی ایضا ایندین اساسلر. که مقاله اساسیده ایضاح وتفصیل ایتمدیکم وجهله صرف احکام شریعتک موجود خارجی تلقی اولنمندن نشئت ایتمدیکدن بطلانلری نیدانندهدر. نظرلرندمه اوقدر قطعی و یقیندرکه بو اساسلره آیات واحادیثده معارضه ایتمه چک اولور ایسه « عقل ایله نقل معارضه ایتمه عقل ترجیح اولتورده نقل تأویل ایتمدیکم » قاعده اساسینه تطبیقاً آیات واحادیثی تأویل ایتمدیکم وجهله معنای مجازیلری مقصوددر دیورلر.

یوقا کر عقد اجاره کی بو اساسلره مخالف اولغا برابر قابل رد و تأویلده اولماز ایسه چونکه مقاله اساسیده ایضاح وتفصیل ایتمدیکم وجهله عقد اجاره، آتیده تحدث ایتمه چک اولان، هنوز موجود اولیان منافی بیعدن باشقه برشی اولدینی ایچون حین عقدده معقود علیه اولان منافع. که عرض ایتمدیکم وجهله آتیده تحدث ایتمه چکدر. بالطبع حین عقدده موجود دکلدر. بناء علیه مذکور اساسلره مخالفدر. اشته بویه مخالف اولغا برابر قابل رد و تأویلده دکلدر. قابل رد دکلدر. چونکه شریعتک یعنی بالطبع مدنی اولان انسانلرکدما واک زیاده محتاج اولدقیری برعقددر. فصل ردا اولنه بیلر قابل تأویلده دکلدر. چونکه هر عصرده اولدینی کی عصر سعادتمنده دما وقوع بولش شارعده داخل اولدینی حالده عموم طرفندن انکار اولتماشده قبول ایتمش. دکل بویه. بالذات شارع بیله ایجار واستیجارده بولتمشدر. آرتق جواز وصحتی اویله قابل تأویل اولان آیات

واحدیت ایله دکل فعلیاتیه تحقّق ایتمش اولمازمی بویه فعلاً ثابت اولان شیر
تصل تاویل اولنور .

آرتق بویه اساسرینه مخالف اولسه ده غیر قابل رد و تاویل اولدنی ایچون
عقد اجاره‌نی قبولدن بشقه چاره قالمیورسه ده بینه او اساس باطللری آز چوق
تا ائردن خالی قالمیورده علی خلاف القیاس ثابت اولمش بر عقد دیورلر و ممکن
اولدنی قدر اجاره‌نک دائره وسعتی تضیق ایتکدن کیرو دورمیورلر . حتی
هیچ حکم و معناسی اولیان مسئله لرله بیه تضیق ای دیورلر . مثلاً بر سکنایی
مقاوت اولیان ازهر جهت معادل اولان دیگر سکنانک منافی مقابلندما ایجار
ایتمک صحیح دکلدرد . چونکه اجاره علی خلاف القیاس ثابت اولمشدر . اجاره‌ده
اصل اولان تجویز اولما مقدر . ضرورت بناه تجویز اولمشدر . آرا لرنده بویه تفاوت
اولمازده یکدیگرینه معادل اولورسه احتیاج یوق دیمکدر . و احتیاج اولدنیجه علی
خلاف القیاس اولدنی ایچون اجاره تجویز اولتماز دیورلر .

فقط بیه کلتجه او بولده بر مسئله وضع ایچورلر . یکدیگرینه معادل اولان
ایکی شیئی مبادلّه ، مبیاعه ایتمک جائز دکلدرد بیه معاسز بر مسئله بیه تصادف
اولمیور . چونکه بیع نظر لرنده علی خلاف القیاس دکل اجاره علی خلاف
خلاف القیاسدر .

ایته بویه مجتهدین سالفه فقهده غریب اساسر وضع ایدرک آنلرک اوزرینه
عجیب مسائل تأسیس ایتدیلر . برده شو مسئله لری قارینک انظار دقت و حیرته
عرض ایدرم .

حیوانلری رعی ایدرک اوتلرخی بیدیرمک اوزره چایر ایجار واستیجاری
صحیح دکلدرد . کذلک یاباغنی سودنی صرف واستهلاک ایدرک انتفاع ایتمک اوزره
قویون ایجار واستیجاری ده صحیح دکلدرد . چونکه اوت ، یاباق ، سوت ، عیندر
عرض دکلدرد و اجاره ایسه منافی استهلاک ایتمک اوزره جریان ایدر . اجاره
بوصورتله معروف و مشهوردر . بناء علیه شرعاً جائز اولان اجاره‌نک عتلی استهلاک
ایتمک اوزره جریان ایدن عقود مذکورده بیه شمولی معلوم دکلدرد دیورلر .

اشته بومستلرده، - عرض ایتدیکم یولده سنب وعلترنی بیانلرندنده
اکلاشیدینی اوزره- داجاره علی خلاف القیاس ثابت اولمش بر عقددره اساس
یاطلدن نشتت ایدیور .

شویله که : عهد اجاره، علی الاکثر منافی استهلاک ایتک اوزره جریان
ایتدیکی ویو صورته اولان اجاره دها زیاده معروف و مشهور اولدینی ایچون
یوقیلدن اولیان یعنی مفعتلری دکلده عینلری ده استهلاک ایتک اوزره جریان
ایدن عقود اجارهیه شرعاً جائز اولان اجاره نك شمولی نظرلرئده تحقق وتین
ایتمور. چونکه بوشمولک تحقیق یعنی یالکز رأی واجتهادایله معلوم اوله بیلیر.
چونکه بوقیل اجاره لک عصر سعادتده وقوعی معلوم دکل بونلر حقه شارعدن
نه صراحة ونه ده دلالة هیچ بر نقل روایت یوق. بونلر مسلمانلر آراسته
صوکرادن احتیاج ولزرووم اوزره محدث ایتمش اجاره لردر .

شو حالده شرعاً جائز اولان اجاره نك بونلره شمولی بونلرکده اجارات
سأره کی صحت وجوازی یالکز رأی واجتهادایله تین ایده بیلیر. بشقه طریق
یوقدر. - بوده قابل اوله میور. چونکه اجاره علی خلاف القیاس ثابت اولمش
بر عقددر. علی خلاف القیاس ثابت اولان شی مقیس علی اوله مازده اجاره نك
انواع واقسامدن برنی دیکری اوزرینه قیاس ایدرک رأی واجتهاد طرقتی ده
تجویز ایتمورلر .

اشته بویله میچدین علی خلاف القیاسدر دبه اجاره مسائلده کندیلرینه باب
رأی واجتهادی سد ایدیورلرده اجاراتدن برقم مهمنی تجویز ایتمورلر .

هیچ مصلحت ومنفعت عمومیه تعقیب اولنماز احتیاج ناس نظر اعتباره
آلمازده اجاره علی خلاف القیاسدر دبه برقم اجارات منع اولتورمی حاکم لک
ایجار واستیجاری منع اولونسونده اولتوری یوق یره محو وها اولسون ؟
حیوانلرده آچلقدن تلف اولسونمی؟! بونی شریعت اسلامیه قبول ایدرمی ؟

منصوری زاده

عید